

Penggunaan Bahasa Malaysia perlu diluas di semua aspek — Mahathir

U.M. 31 MAC 1975
MENTERI Pelajaran, Dr. Mahathir Mohamed menegaskan perlunya diperluaskan penggunaan Bahasa Malaysia di dalam semua aspek, termasuk dalam semua penerbitan dan juga seminar.

Menurutnya, ramai yang berkata Bahasa Malaysia tidak begitu lengkap untuk digunakan dalam bidang-bidang saintifik dan tidak boleh mencapai taraf seperti bahasa Inggeris, Jerman dan Russia.

"Tetapi sepintas pandang ke arah kemajuan pesat dalam semua bidang sains di Jepun dan China sekarang ini sudah cukup untuk mengikis keraguan kita tentang bahasa-bahasa Asia tidak boleh digunakan dalam bidang saintifik moden."

Berucap di majlis jaman anjuran Persatuan Biokimia Malaysia di sini malam tadi, Dr. Mahathir juga menyeru diperluaskan penggunaan Bahasa Malaysia untuk memupuk perpaduan di kalangan rakyat berbilang kaum di negara ini.

Katanya, sungguhpun bahasa Inggeris lebih sesuai untuk pengajian tinggi, tetapi jika langkah pertama tidak diambil untuk menggunakan Bahasa Malaysia, sampai bila pun Bahasa Kebangsaan ini tidak dapat dilaksanakan.

Bagaimanapun, tegasnya, bahasa Inggeris mestilah dijadikan bahasa kedua yang penting.

Menteri itu juga menggesa universiti-universiti menerima caba-

KUALA LUMPUR
30 MAC

ran dari masyarakat sekeliling dan memenuhi kenendak negara dalam melatih tenaga kerja yang sesuai.

"Sementara kita bangga dengan hasil-hasil dan peranan universiti pada masa lampau, universiti-universiti juga patut memainkan peranannya di masa depan."

Masyarakat, tegasnya, sedar adanya perubahan, rasa tidak puashati dan lain-lain masaalah.

Dr. Mahathir berharap setiap pelajar yang masuk belajar di universiti akan memahami bahawa universiti mempunyai satu matlamat dan akan menolong untuk merancang masa depannya.

Universiti-universiti juga mestilah mempunyai satu-satu tujuan dan ikhtiar supaya dapat menyelesaikan masaalah sekarang, di samping memahami keadaan di sekitar masyarakat dan peranan mereka di dalamnya.